

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA INVESTICIJE I  
POSLOVE MJESNIH ZAJEDNICA  
Broj: 03-04-5535/20  
Lukavac, 27.11.2020. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-5535/20 od 26.11.2020. godine u otvorenom postupku javne nabavke usluga za izradu Glavnog projekta video nadzora u gradu Lukavcu d o n o s i s e

## **ODLUKA** **o izboru najpovoljnijeg ponuđača**

### **Član 1.**

Prihvata se preporuka Komisije za provođenje postupka javne nabavke broj: 03-04-5535/20 od 26.11.2020. godine, te se Ugovor za javnu nabavku usluga za izradu Glavnog projekta video nadzora u gradu Lukavcu dodjeljuje ponuđaču **Institut za građevinarstvo „IG“ d.o.o Banja Luka**, koji je dostavio ponudu broj: 4276/20 od 18.11.2020. godine, za ponuđenu cijenu u vrijednosti od 9.500,00 KM bez PDV-a kao najpovoljnijem ponuđaču.

### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 03-02-5526/20 od 27.10.2020. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 15.000,00 KM.

Obavještenje o nabavci broj: 719-1-2-73-3-114/20 objavljeno je na Portalu javnih nabavki dana 30.10.2020. godine.

Komisija za provođenje postupka nabavke imenovana Rješenjem broj: 02-04-19-52/20 od 04.11.2020. godine dostavila je Zapisnik o pregledu i ocjeni ponuda broj: 03-04-5535/20 od 26.11.2020. godine, Preporuku o izboru najpovoljnijeg ponuđača broj: 03-04-5535/20 od 26.11.2020. godine i Izvještaj o radu broj: 03-04-5535/20 od 26.11.2020. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri blagovremene ponude, a da neblagovremenih ponuda nije bilo;

- da su ponude ponuđača: Institut za građevinarstvo „IG“ d.o.o Banja Luka, VATROSISTEMI d.o.o Sarajevo i Institut za zaštitu, ekologiju i obrazovanje d.o.o Tuzla kvalifikovane, naime dostavljeni su svi traženi dokazi propisani tenderskom dokumentacijom, na propisan način.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 15.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena ..... 98 %
- b) Rok plaćanja ..... 2 %

Ponuđač Institut za građevinarstvo „IG“ d.o.o Banja Luka dostavio je prihvatljivu ponudu sa cijenom u iznosu od 9.500,00 KM bez PDV-a i rokom plaćanja 60 (šezdeset) dana od dana prijema računa, te je primjenom kriterija ekonomski najpovoljnije ponude isti osvojio 100,00 bodova.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. Institut za građevinarstvo „IG“ d.o.o Banja Luka,
2. VATROSISTEMI d.o.o Sarajevo,
3. Institut za zaštitu, ekologiju i obrazovanje d.o.o Tuzla i
4. Arhivi.-

SEKRETAR JEDINSTVENOG ORGANA DRŽAVNE SLUŽBE

(ovlaštenje broj: 02-30-1856/20 od 04.03.2020. godine)

Enes Numanović, dipl. pravnik

